



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : PRECIOUS BLOOD PRIMARY SCHOOL

學校名稱 : 寶血小學

Name of Play 劇名 : 太陽花公主大戰玫瑰花公主

Script writer 劇作者 : 王君傑 (校外導師)

Synopsis 故事大綱 :

花花宇宙將要選出下一任新女王，性格各異的太陽花公主和玫瑰花公主都為選舉而競逐。此時，花花宇宙的國王心臟病發，臭蟲魔王欲乘機統治花花宇宙。為了醫治國王，兩位公主出發去尋找天山靈芝，究竟她們能完成任務嗎？花花宇宙的命運將會怎樣？

IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場 選舉大會

地點：皇宮

(音樂出)

(國王、皇后、大臣一、大臣二出場)

主持： 各位花花宇宙嘅子民，下一任嘅女王選舉現在開始！有請我哋嘅太陽花公主同
玫瑰花公主出場，究竟今次邊一個會勝出呢？大家一齊睇吓啦！

(音樂出，一群美麗蝴蝶陪同兩位公主出場和跳舞)

(兩位公主撞在一起，之後打架)

主持： Cut！(音樂停)

(兩位公主倒地)

太陽花： 玫瑰花妹妹，乜你又咁論盡架！

玫瑰花： 係你撞倒我先架！太陽花姐姐！

主持： 你哋一人少句啦！

國王： 你哋身為公主，竟然喺全國人民面前鬧交，真係失禮死人！

主持： 國王、皇后，放心。我哋停咗機架嘞。跌倒嗰段會 cut 走架啦。

皇后： 蝴蝶仙子，你哋可以休息一下，辛苦曬。

(眾蝴蝶走)

主持： 繼續錄影！（浮誇地）嘩！嘩！嘩！頭先個舞蹈表演真係非常精彩呀！不過好
可惜兩位公主都未能完成整隻舞喎。所以今個回合，打和！想知邊位公主能夠
成為新一任女王，請收睇下一集節目啦！收工！

(主持走)

太陽花： 吓？又打和？我仲諗住今次我會贏硬架喎。

國王： 你太天真啦，你根本無練習過呢隻舞。

皇后： 相反，我知道玫瑰花公主練習咗好耐。

IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- 太陽花： 但係佢頭先驚到腳都震埋呀！（撒嬌）Daddy、Mummy！
- 玫瑰花： 其實我對自己真係無咩信心……所以咪要再努力啲練習囉……點知……
- 大臣一： 不過，玫瑰花公主頭先臨場表現真係有少少緊張啲。
- 太陽花： 我都話架啦！
- 大臣二： 不過，你頭先喺度亂 kick 人先啲！
- 太陽花： 大膽！Daddy 呀，罰佢啦！
- 國王： 你哋兩個唔好再胡鬧啦！快啲練習隻舞啦！
- 兩公主： 係！
- (兩位公主離開)
- 大臣一： 國王，咁好難攞架啲。下個月，我哋就要宣佈下一任女王嘅人選。
- 國王： 我知，但係我呢兩個女都好難揀得落手！一個就過份樂觀，做事魯莽又大意。
- 皇后： 一個雖然做事謹慎，不過就太悲觀怕事。
- 大臣二： 乜佢哋兩個會變成咁極端嘅！
- 大臣一： 咁有咩辦法幫佢哋成長呢？
- 國王： 就搵肥田料啦！肥田料，你出嚟啦！
- (肥田料出場)
- 肥田料： 我係肥田料！陪你成長不可少！（擺有型 pose）
- 大臣二： 個名改得咁衰嘅？
- 皇后： 其實佢係一位人生導師，幫助花花宇宙嘅花朵健康成長。
- 肥田料： (把咭片給大臣一) 呢一張係我嘅咭片，我唔臭架！
(把咭片給大臣二) 呢一張係我嘅咭片，其實我個名係我阿媽改嘅！
- 國王： 你咪懶型先啦，快啲諗吓辦法幫吓我兩個女啦！
- 肥田料： (行來行去) 成長係要經過好多風雨嘅……
- 國王、王后、兩大臣： 係嘅，之後呢？

IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

肥田料： 花開自然就會香氣撲鼻……

國王、王后、兩 唔……

大臣：

肥田料： 床前明月光……

國王： 停！同幫我個女有咩關係呀？

肥田料： 無架！

皇后： 咁你入到正題未呢？

肥田料： 諗唔到……諗唔到……呀！諗到啦！擺隻耳仔埋嚟！（秘密地和國王及皇后耳語）

國王： 嘩！聽落就好精彩啦！

皇后： 我都好想知道佢哋會有咩反應呀！

國王： 大臣立刻行動！

兩大臣： 遵命！

(國王、皇后、大臣一、大臣二、肥田料離開)

(音樂出，兩大臣再出場，一名大臣拿出馬糞，十分惡臭；另一位大臣拿出一條用鑽石做的頸鏈。太陽花公主收到馬糞，非常興奮；而玫瑰花公主收到鑽石頸鏈，感到十分擔心。)

(國王、皇后、主持出場，音樂停)

主持： 今日呢個比賽項目，係睇吓兩位公主面對唔同事物，佢哋會有咩反應。有請！

太陽花： 我收到父王送俾我嘅便便禮物，我真係開心到飛起呀！

主持： 吓？你肯定？

太陽花： 你睇，呢一督馬屎幾結實，色澤幾咁靚，一睇就知係父王之前送比我嘅千里馬嘅便便啦！

主持： 我第一次見到人收到便便開心成咁架！

太陽花： 我一向都好有信心架啦！